



**AMICA EDUCUA**  
Centar za edukaciju i humani razvoj

# Amica Educa 2020

Unapređenje socijalnih usluga kroz jačanje NVO u BiH

# Amica Educa

## SVE ŠTO RADIMO DOBIJA SMISAO KADA KORISNICI/E POSTANU OSNAŽENI/E I POČNU PRAVITI PROMJENE

Više od 24 godine Amica Educa u Tuzli dokazuje da je teške životne izazove s kojima se susrećemo moguće prebroditi i iz njih izaći jači i svjesniji sebe, kao i vizije svog života. Uz psioh edukaciju, psihoterapijsku podršku i savjetovanje, koje ova organizacija pruža marginaliziranim skupinama, osnažena su mnoga djeca, mladi i odrasli. Prepoznali/e su svoje probleme, radili/e na njima i promijenili/e svoje živote.

Jedna od njih je i **Dijana Branković**, koja je godinama trpjela psihološko nasilje. Pomoć je odlučila potražiti u trenutku teške depresije. „**Tada sam bila u žestokoj depresiji. Odmah su me povezali/e sa psihoterapeutkinjom i krenula sam na individualne psihoterapije. Život mi se promijenio za 180 stepeni. Nakon iskustva fizičkog nasilja od muža, razvela sam se, sada se osjećam puno stabilnije, sretnije, jednostavno mirnije i jače. Znam da ovdje uvijek imam podršku**“, kaže Dijana.



A da bi korisnici/e dobili/e adekvatnu pomoć, neophodan je ogroman trud i rad na samoodrživosti organizacije. Najbolje to zna **Selma Aličić**, direktorica organizacije Amica Educa. „**Tokom 2020. godine nastojali/e smo da se što više povežemo s institucijama u oblasti socijalnog rada. Intenzivirali/e smo suradnju sa Centrom za socijalni rad i uspostavili/e suradnju s Domom za djecu bez roditeljskog staranja vazano za podršku mladima koji izlaze iz sistema brige. Naša organizacija postala je članica Kantonalnog odbora i radne grupe za razvoj Strategije razvoja Tuzlanskog kantona, kao i članica radne grupe za izradu gender akcionog plana u Živinicama, gdje smo uspostavili/e suradnju kroz edukaciju zaposlenih u institucijama na području ovog grada. Ova godina bila je u znaku zagovaranja, umrežavanja i povećanja vidljivosti organizacije u zajednici**“, kaže Aličić.

U promicanju ključnih ideja organizacije, kako ističe, od velikog značaja je bila podrška organizacije CARE International Balkans kroz projekat **Jačanje socijalne zaštite izgradnjom kapaciteta organizacija civilnog društva (OCD) u BiH**: „**Imali/e smo edukaciju u oblasti marketinga, promocije putem društvenih mreža i zagovaranja, mnogo nam je to značilo. Osim opremanja terapeutske sobe, gdje se provodi psihoterapijski rad i sale, gdje se provodi psioh edukativni rad sa grupama, ove godine dobili/e smo podršku za izgradnju rampe koja omogućava pristup našim prostorijama i osobama s invaliditetom**“.

Osim toga, Amica Educa pokrenula je zahtjev prema Ministarstvu za rad, socijalnu politiku i povratak TK za kontinuirano financiranje Porodičnog savjetovališta. „**Amica Educa ima svoj kadar, vrsne stručnjake, 24-godišnje iskustvo, adekvatan prostor i kontinuitet napretka. Istovremeno u centrima za socijalni rad nedostaje kadra i resursa za odgovaranje na sve potrebe u zajednici. Dosad smo surađivali/e kroz projekte, ali kako bi se saradnja unaprijedila i održao kontinuitet rada Amica Educa podnijeli smo zahtjev Vladi TK da se jednim dijelom ova organizacija financira iz budžeta**“, ističe Edin Šestan, pomoćnik ministra za socijalnu i dječiju zaštitu TK.

Takvo nešto bi sigurno doprinijelo da ova organizacija proširi svoje kapacitete i pruži usluge većem broju građana/ki, ali i bude stabilna i održiva za one koji su godinama korisnici/e, kao što je **Emina Slijepčević**. „**Moj brat je ubijen 25. maja 1995. godine na kapiji. Dugo vremena sam kao djevojčica nosila mnogo tuge i boli u svom srcu, a nikada nisam radila na tome. Kada sam došla ovdje, kroz tri etape sam naslikala svoj život i taj događaj. Kada sam se odmakla i pogledala crtež, to me jako pogodilo. Danas sam mnogo sretna, posebno što sam naučila da prepoznajem emocije i da govorim o njima, to je izuzetno važno**“, navodi Emina, koja danas radi kao edukatorica i usko surađuje s ovom organizacijom.

Za **Ivonu Erdeljac**, programsku menadžericu organizacije Amica Educa, neizmjerena je sreća čuti pozitivan feedback korisnika/ca: „**To je preplavljenost mnoštvom ugodnih emocija. Sve ovo što radimo dobija smisao kada žena, muškarac, dijete, naprave promjenu u životu i postanu zadovoljniji i sretniji, a onda krenu da mijenjaju okruženje u kojem žive**“.

Od pružanja pomoći korisnicima/ama nisu odustali/e ni u situaciji s pandemijom COVID-19.



“

Ponosne smo na to kako smo se brzo prilagodile kriznoj situaciji. Odmah smo se prebacili/e na online podršku. Nijedan/na korisnik/ca nije ostao/la uskraćen/a za pomoć. Razvili/e smo i niz novih online usluga što je pozitivno. Mi imamo stabilan tim godinama, jedna drugu podržavamo, baš kao i naše korisnike/ce. Oni/e daju nešto svoje nama, mi dio sebe njima, i samim tim, ta povezanost postaje jača i bolja, zaključila je Ivona.

”



Fotografije: Selma Aličić, Ivona Erdeljac, Dijana Branković



This project is financed within  
Czech Republic development cooperation



Enhancing social protection  
by empowering COS in BiH



This project is implemented by  
CARE International

---

Ovaj dokument kreiran je u okviru projekta „Unapređenje socijalnih usluga kroz jačanje NVO u BiH“, koji implementira CARE International u Bosni i Hercegovini i CARE Češka Republika, a finansijski podržava Razvojna kooperacija Češke Republike. Prikazani sadržaj isključiva je odgovornost organizacije CARE International u BiH i ni na koji način ne odražava stav Češke Republike.